

مکتبہ اسلامیہ

❁ ادبی و سیاسی رسالہ اسبوعیہ در ❁

۳۱ نجی سنہ

۳ شعبان ۱۳۳۰

❁ پچیشنبہ ❁

جلد: ۱۵ - جزو: ۱۵۵



بارباروس خيرالدين

قوة بحرية عثمانیه يك دوره جلالت وعظمتندن بر نمونه

(ما بعد عن جزؤ ١٥٤)

بويككي، بيوك اميرال، يعنى قيودان خيرالدين پاشا در حال فوق العاده بر
فعاليّت ابرازينه باشلادی. بحر سياه بوغازنده كندى پلانسه نظر آ (٦١) عدد بيوك
غالر انشا ايستردى. جزايردن (١٨) قطعه كتيرمش ايدى و كندينه
الويرشلى كورينان بش عدد حاضر سقينه يي ده مباحه ايلدى. ١٥٣٤ سنه سى
اواسطنده دونما مهيا ايدى. خيرالدين پاشا حركت ايلدى. انتخاب ايلديكى
افراددن ماعدا (٨٠٠٠) يگچيرى خيرالدينك برلكده كتيرمش اولدينى
سردن كچديلره مهم بر قوه الظهر اولدى. سلطان سليمان، برابر كوتورمك
اوزره دونما صندوقه (١٠٠,٠٠٠) دوقات (شمديكى آلمان ياره سنه كوره
طقوز ميلون مارق) ويرمش ايدى. فقط ذات شاهانه بو مبلغك مذاب
اولسندن زياده تزايد ايتمسه منتظر ايدى. بيوك پلانى قوه دن فعله لگه دن،
شمالى آفريقانك ممالك شاهانه الحاقى تايمين ايتمه دن اول اكتساب غنايم
ايلك خيرالدينك برنجى وظيفه سى ايدى. بوگا بناء خيرالدين اول امرده
استقامت سيرنى ايتاليا سواحله طوغرى توجيه ايلدى. تركارك هجمونه
هدف اولان (ره جيو) ايلك شهر اوله رق سقوط ايتدى. مسينا طريقى
اوزرنده نابونى به قدر اولان شهرلر فديه نجاتلرينى تايديه ايتمه كنجور اولديلر.
عثمانلير كوره ك اوتوراكلرينى ارككلر و حرملىرى قادىسلرله املا ايتمك

ایچسون (۱۱۰۰۰) اسیر برابر آل دیلر . بوراده بر وقعه غریبه حکایه ایدم : (اختیار بارباروس (امیرالک سنی ۶۸ ی متجاوز ایدی) بوجولان ائساننده علی الخصوص ملاحی ايله مشهور (ژولیا غونچاقا) اسمنده برقادینه دلداده اولمشدی . بوقادین ناپولی نك ۸۸ کیلومتره شمال غریبسنده بر قصبده اقامت ایتمکده ایدی . بارباروس ، بالخاصه ژولیایی یقالامق ایچون اورایه قدر آدملرینی کوندرمشدر . لیلأ واقع اولان بر باصقینده همان اله کچمک اوزره ایکن او غنیمت دل آبا کوچ حال ايله ترکارک الارندن قورتولمش و فقط - سوء طالع اثری اولهرق حرمة دوشمکدن دهافنا اولمق اوزره - ایتالیا حیدودلرینک اله دوشمشدر .)

بوندن صکره بارباروس مقصد اصلینده ، آفریقا سواحله توجہ ایتمش و فی الحقیقه نقطه خروج و ابتدا اولمق اوزره کندیسک ایلک جولاننده گورمش اولدینی قطعه اراضی بی ، یعنی تونسلی انتخاب ایشدر . تونسنده او زمانلر بی حفص خاندانندن یکرمنجی حکمدار اولمق اوزره سلطان منلا حسن اجرای حکومت ایتمکده ایدی . بو حکمدار مسبقه آن جلوسنده عادات شرقیه اتباعاً بالجله برادرلرینی اتلاف ایتدیرمش و یالکیز راشد اسمنده بری وقت وزمانیله فرار ایده ایشدر . ایشته ترکار بوراشدی (شمیدلرده اولسه تونسک اصول و مناسباتنه مداخله ایتک ایچون دینلوردی) آلت استفاده ایتمکده ایدیلر . راشد نامه اولهرق خیرالدین پاشا منلا حسنه قارشلی حرکت ایدیلوردی . حقیقت حالده ایسه راشد جوقدن بری رهرو سمت عدم اولمش ایدی .

اولدن تخمین اولنه بیله چکی اوزره خیرالدین پاشا تونسدن منلا حسنی دفع و حاکمیت عثمانیهیی تاسیس ایتمک کمال سهولته موفق اولمشدر . بر قاج کون ظرفنده بالجله ممالک بریه و ساحلیه تسلیم اولمش و بارباروس شمعی وقت مصالحهده تشکیلات و تنسیقاتنه واقفانه سعی ایتمکده مقتدر بولندیغنی ، بر سنه امتداد ایدن فرصت ائساننده ، ارانه و اثبات ایشدر .

ترک‌لرک آفریقا به حرکات استیلاکارانه‌لری بشنجی قارلک نظر دقتی
اق حوالی به عطفی انتاج ایلشدرد . اسپانیانک شمالی آفریقا مالکانه‌سنی
محافظه ایتک ایمپراطورک اخص آمالی بولندینی جهته ۱۵۳۳ سنه‌سی
دور بیادن آلدینی تاجی جزایره مقابل اولمق اوزده سلطان سلیمانیه تقدیمی
تکلیف ایلشدرد . مشار الیه کندی سواحلی صورت دائمده تهلکده
بولدبران قورصان تهدیداتی یالکیز آنلرک اس‌الحرکاتی تخریب ایتمکله
تحقیف ایده بیله جکئی پک ای بیلیوردی . مع مافیه خیرالدینک تونس
تجاوزی کندیسینک دگزده اک دهشتلی دشمنی اولان بو ذاته قارشى بریوک
سفر آجینی تصمیم ایلدی .

۱۵ تموز ۱۵۳۵ ده بشنجی قارل (۵۰۰) سفینه و تقریباً (۳۰۰۰۰)
اسپانیول ، ایتالیان ، آلماندن عبارت بر اردو ایله تونس ساحلنده قره‌یه
چیقدی . (الغولنه) یی خیرالدینک قبودانلردن سنان رئیس ، قوتنه قات قات
قائق بر دشمنه قارشى امانلسز بر متانت ایله ۳۲ کون مدت مدافعه ایلدی .
عاقبت موقع مستحکم سقوط ایلدیکی زمان ایمپراطور کندی زرهللی اردوسی
ایچون مشاق و مزاحم عظیمه ایچنده اوله‌رق تونس به طوغری یوریدی .
بارباروس قره‌دن آنک قارشوسنه شتاب ایلدی ، مع مافیه ، مأمول اولدینی
وجهله . مغلوب اوله‌رق تونس رجعت ایلدی .

بو صروده منلا حسن قارلک قره‌یه چیقمسندن بالطبع استفاده ایدمک
کندی طرفدارانی اولان برجم غفیرایله ایمپراطورک معاوننه شتابان اولدی .
طرفدارلردن ایکی کشتی خرس‌تبان اسرآنک بولندینی حبسخانه‌یی کشاد
ایلمسینه دروننده بولان ۶۰۰۰ محبوس درحال سلاحخانه‌ک قبولرینی ضبط
ایدمک ترک‌لرک شهر داخلنده اقامت‌لرینی غیر ممکن قیلدیلر .

خیرالدین پاشا موقعک فالغنی وقت و زمانیه تقدیر ایدمک صورت
منتظمده بلدالعنب (ویا بلدالاناب = بونا هیوتا) به طوغری رجعت‌ایتدیکی

حالد یران بلده . ایمپراطورک قرارگاهنه کیده رک شهرک یغما و تخریبیدن
وقایه سنی رجا ایلیکده ایدی . منلا حسن دخی کندی تبعه سنیک رجاهنه
اشترک ایلدی ایسه ده ایمپراطور آرتق کندی عسکرینی ضبطه مقتدر دکل
ایدی .

(یوویوس) ک حکایه سنه نظر آ آنلر دیورلردی ، که : « قره نك .
دکیزک بر جوق مزاحمه قاتلانقدن صکره بزى حقلى مکافاتمزدن منع ایتک
جائز دگدر . » کندى عندلرنده « غیر معتقد » تونسلیلر اسیرکنمکه لایق
کورلمدیگندن عسکرک کومه کومه شهره دخولنی کیمسه منع ایده مامکده
ایدی . شهرده مدهش بر صورتده یغما و قتال اجراسنه باشلانلشدر .
« اسپانیوللر و ایالیانلر دها زیاده حسنه مائل و منهمک اولدقلری حالده
آلمانلر وحشت طبیعه لری اقتضاسی اسلام قانی ایله تسکین عطش ایتمکه حریص
ومتهاک ایدیلر . » نسوان و مال غنائیم ، کلیتلی مقدارده کمیلر و قرارگاهه
نقل ایدلدى . و منلا حسن اوچ مثلی ضایعانه اوغرادى : کتبخانه سنی ،
بوياخانه سنی ، حرم خلقنى غائب ایتدی .

[مابعدی وار]

